

Sakspapir

Saksnr	Utvalg	Type	Dato
115/21	Formannskapet	PS	04.11.2021

Saksbehandler	Arkiv	ArkivsakID
Ketil Tjore	FE-033	21/1190

Orienteringssak

Framlegg til vedtak:

Formannskapet - 115/21 - 04.11.2021

FS - behandling:

Kommunedirektør Bjørnar Fjellhaug sa om endringar på kommunehuset at ein no bygger om i 3. etasje i for Fensfjorden PPT, dette skal vera klart til nyttår når alle tilsette skal vera på plass. 1. etasje er ikkje like hastig.

Kommunedirektør Bjørnar Fjellhaug sa Korona-situasjonen:

Statsforvaltar har kalla inn kommunedirektør og ordførar til møte, der vil ein få beskjed om eventuelle endringar nasjonalt.

Har vurdert det slik at det ikkje er behov for tiltak ut over handhygiene og liknande.

Vil be kommunestyret om at ordførar får fullmakt til å innføre tiltak på kort sikt.

Ser at dette må me leva med Covid 19. Følgjer situasjonen tett

Kommunedirektør Bjørnar Fjellhaug sa om legekantoret

PWC skal ta gjennomgang av organisering av legekantoret, startar arbeidet i neste veke.

Skal analysere organiseringa av arbeidet der.

Revisjonen ser på alle tal i samband med Helfo, kjem rapport derifrå

Kommunedirektør Bjørnar Fjellhaug sa om administrasjonen:

Monika Kvamme vil vera kommunedirektør medan han sjølv er på ferie.

Ny kommunalsjef oppvekst, Trine M. Jansen, er på plass 1. desember

Kommunalsjef Service og forvaltning, Thomas Lindås, er på plass 17. desember etter permisjon

Økonomisjef Odd Harald Dommersnes vert vekke noko frå 11. november

Går over frå Easycruit til Webcruiter, som del av at Austrheim skal bli betre på rekruttering

Nytt kvalitetssystem, Netpower, på plass frå midten av november.

Einingsleiar teknisk drift, Rolf Henning Myrmel, orienterte om utbygging VA

Alversund maskinstasjon får jobben med vassutbygging Utkilen-Mastrevik og Mastrevik til idrettshallen, det siste strekket er inkludert pumpeleidning for kloakk.

Ventar strengare krav for utslepp indre basseng Mastrevik, og legg til rette for å pumpa dette via

Åråsvågen og vidare ut i fjorden.

Hadde 3/11 synfaring med grunneigarar for å få oversikt på ting mellom entreprenør og grunneigarar.

Oppstartsdato for arbeidet er 1. desember

Kloakkstasjon Åråsvågen, der er ein i slutfase for trinn 1, tar med seg pumpestasjon på Leikvoll for å få dette med seg til Åråsvågen. Anbudet går ut i løpet av november månad.

Dette er dei store utbyggingane for 2022.

Helge Dyrkolbotn (KrF) spurte om arbeidet er ferdig i løpet av 2022, det stadfesta Myrmel.

Myrmel sa vidare at det som står att av ringleidning for vatn er strekket frå krysset Solen og til høgdebassenget. Med dette på plass har ein betre moglegheiter til å utbetra inne i Åråsfeltet utan større avstengingar. Kan også starta på vatn til Førland når dette er på plass.

Per Lerøy (Ap) spurte om det skal vera tvungen tilkopling til avløp, Myrmel svara at andre kommunar har dette, og administrasjonen vurderer dette.

Morten Sognes (H) spurte om det er planar for bygging av reinseanlegg. Myrmel svara at kommunen vert nøydde til å bygga reinseanlegg. Anlegget i Åråsvågen er nedslite. Kan ta med seg Solen (treng ein pumpestasjon til) og Mastrevik samt Åråsfeltet inn på ein felles reinsestasjon ved Blodvika til Åråsvågen, og ein eigen reinsestasjon på Fønnes. Fønnes-utsleppet går i dag til Bakkastraumen, må gå andre vegen til Fønnes og Fensfjorden. Stasjonane i Åråsvågen og på Fønnes er dei to stasjonane ein ser for seg må på plass først.

Helge Dyrkolbotn (KrF) sa at det er rett med tvungen påkopling. Dyrkolbotn spurte vidare om det er kapasitet til Kystlandsbyen, Myrmel svara at det er mogleg med ein pumpestasjon til.

Einingsleiar teknisk drift Rolf Henning Myrmel sa at det er behov for å ha tilkoplingar i kum, lettare å retta feil enn når det som før var mogleg for private å kopla seg rett på hovudleidning.

Einingsleiar teknisk drift Rolf Henning Myrmel sa om omsorgsbustader Sætremarka:

Har etterlyst frå arkitektane i Link Arkitektur nøyaktig plassering slik at ein kan leggja ut anbod på VVA inn til tomtane. Det er kloakk tilgjengeleg tett på området, der ein kan kopla seg på. Kjem under grensa for Doffin-utlysing og kan gå direkte til tre firma og be om pris på denne jobben. Vil gå ut med VVA først, detaljteikningar bustad tar ein seinare.

Ligg i kommuneplanen at bustader skal vera minst 50 kvadrat, Link teiknar ut frå det. Sintef sitt prosjekt i Melhus rår til mindre bustader enn dette, men skal ein bygga mindre enn 50 kvadrat krev det dispensasjon frå kommuneplanen.

Inger-Lise Brekke (H) sa at retningslinjene nok ikkje var laga med tanke på ROP-bustader. Om det er faglege vurderingar ut frå brukargruppa så må det vera styrande for storleiken, eventuell disenpasjon frå kommuneplanen må det vera mogleg.

Per Lerøy ba om at kommunedirektøren går inn i dette, det er uproblematisk å gje dispensasjon om det trengs for å bygga mindre enn 50 kvadrat. Må vera mogleg med dialog med Statsforvaltar sidan dette er ei såpass spesiell gruppe.

RHM sa at med 25.000 kroner i kostnad per kvadrat vil det verta litt på tre bustader, om ein kan spara 10 kvadratmeter på kvar.

Ambulansestasjon:

Ordførar Per Lerøy og einingsleiar teknisk drift Rolf Henning Myrmel skal i møte med Helse Bergen om ny ambulansestasjon.

Myrmel viste til at det tidlegare er teikna ein større ambulansestasjon, med plass til lærling. Kommunen har tomt der ein har avtale med Sætre marka burettslag med bytte, men kan også sjå på ei plassering langs vegen opp til dei kommande ROP-bustadene.

Eig denne tomten sjølv, og får VVA med seg her i samband med ROP-bustadene.

Per Lerøy viste til at ambulansetenesta eigentleg har sagt at det skal vera vaktskifte på Austrheim, dette vert ikkje gjennomført slik i dag.

Inger-Lise Brekke (H) spurte om finansiering, Lerøy svara at kommunen bygger og at Helse Bergen skal leiga dette av kommunen, slik at det skal vera sjølvfinansierande. Det er ønske om at det skal ligga i rolege omgjevnader

Myrmel sa at det er sagt tidlegare at ein bygger noko som kommunen kan bruka vidare.

Myrmel viste teikningane som er laga før, det er også ein del nye krav som rein og skitten sone.

Per Lerøy (Ap) sa at det er bra plassering litt ut av feltet. Bør gjera det ein kan for å sikra seg at ambulansestasjonen vert verande. Med ei tilbaketrekt plassering vert dette ein god plass for dei tilsette.

Inger Lise Brekke (H) sa at ambulansestasjonen tett ved ROP er ei bra plassering.

Einingsleiar teknisk drift Rolf Henning Myrmel orienterte eigedom ved Mongstadkrysset. Her er det mogleg å få til ei masseutskifting og planering i samarbeid med BKK, som har overskotsstein frå anna prosjekt i området. Har makebytta noko med Equinor, der dei har fått areal og kommunen har fått noko.

Handsaming i formannskapet:

Kommunedirektøren sitt framlegg vart samrøystes vedteke

FS vedtak:

Orienteringane vert teke til vitande.

Saksopplysninger: